

Díaz-Canel denuncas usonan komploton cele estigi socian kaoson en la kariba insulo



Denuncas Díaz-Canel komploton de Usono cele estigi socian kaoson en Kuba

Havano, sep 18 (RHK) La kuba prezidento Miguel Díaz-Canel, avertis pri komploto celanta estigi kaoson socian en la kariba lando favore al la elekto en Usono.

“Estas senkompataj kaj senĉesaj atakoj kontraŭ la ĉefaj enspezofontoj. Konfirmiĝas la brutala fortigo de la ekonomia sieĝo kaj financa persekuto. Evidentigas, ankaŭ, kompleta alvoko kaj celo instigi al socia kaoso en la lando, kiel parto de la elektaj interesoj usonaj”, denuncis la prezidento en kunsido kun provincaj guberniestroj.

La insula ĉtatestro atentigis, krome, pri komunika kampanjo en la sociaj retejoj kontraŭ Kubo, kiu disvastigas temojn de disopinio, kiel rasismo, perforto al virinoj, homaj rajtoj kaj religia libereco kun la celo

malprestiĝigi la kuban revolucion.

“Ni alfrontos la komunikan manipulitan kampanjon kaj de malamo kontraŭ la intelektuloj kaj artistoj kuba, konceptita, gvidata kaj bone pagata el Usono. Ni tion faros per la vero, la identeco kaj amo”, skribis la ŝtatestro en sia socia retejo en Twitter.

Ekde 1960 Vaŝingtono trudas feran sieĝon kontraŭ Kubo kaj plurajn punojn. Tamen, la malagresemo al Havano multobliĝis post la alveno de Donald Trump al la Blanka Domo, kaj pli graviĝis de la pandemio de la nova kronviruso, malhelpante la aliron al medikamentoj kaj bezonataj ekipaĵoj por fronti tiun ĉi sanitaran krizon.

La kubaj aŭtoritatoj plurfoje kritikis la usonan obsedon detrui la kuban Revolucion, kaj la proksimiĝo de la prezidentaj elektoj en tiu lando, atentigas pri la kalunmia kaj mensoga kampanjo de Vaŝingtono kontraŭ Havano, kiu apartenas al la strategio de Trump por deflankigi la atenton de la publika opinio pri lia malbona mastrumado sanitara kaj ekonomia en sia lando.

La kuba ministro pri eksteraj rilatoj, Bruno Rodríguez pasintjule preparolis la “elektan oportunismon” de Trump kaj kritikis lin pro kunveno kun mafiuloj kontraŭkubaj en Miamio.

La politiko de la riĝulo respublikana al Kubo kaj Venezuelo estas kritikata eĉ ene de la nordamerika lando, kie rezidas signifan nombron de migrintoj de origino kuba kaj venezuela.

<https://www.radiohc.cu/eo/noticias/nacionales/234501-diaz-canel-denuncas-usonan-komploton-cele-estigi-socian-kaoson-en-la-kariba-insulo>



Radio Habana Cuba